



實政錄卷五目錄

鄉甲約

鄉甲至要

鄉甲會規

鄉甲事宜

鄉甲會圖

聖諭格葉

填格葉法

編鄉甲字號

實政錄

卷五 目錄

和處事情以息爭訟

紀善以重良民

紀惡以示懲戒

許改過以宥愚民



實政錄卷五目錄

實政錄卷五

寧陵呂 坤叔簡甫著

鄉甲約

欽差提督雁門等關兼巡撫山西地方都察院右僉都御史呂爲申明鄉約保甲以善風俗以防奸盜事照得成周立教監於夏商士有庠序學塾以樂其羣民有比閭族黨以萃其渙故百井結爲一體千民聯屬成家觀俗於鄉則里仁爲美化行於下則比屋可封未有人各任情家自爲俗而能成遷善遠罪之治者也自教衰民散之後惟鄉約

實政錄

卷五 鄉甲約

一

保甲最良雖化民成俗之意未及昔人而軌眾齊物之方實仍前代茲二法者累朝之所申明廟堂之所建白不啻再三矣乃有司視爲常套談者反脣閭巷苦其騷煩聞之疾首非法之不良民之難令則行法者爲法之病也約束不擇善良編派委之里老時逢朔望聚者豈無千人待至未申講者不聞一語混雜而來饑疲而散聖諭昭揭違違誰復知聞粉壁分明奸宄全不覺察卽犯者盈庭罪人滿獄吾惟有三尺之法在輕則杖笞重則絞斬如此而已矣不知先王以刑弼教非以刑爲教也嗟夫道之以政而後

齊之以刑猶爲未務矧一言不教而惟五刑是加豈朝廷設官之本意哉積習旣久振舉實難若殿最之條但以教化風俗爲首則守令之政自以鄉約保甲爲先鄉約實行自無奸兇猶有奸兇是鄉約之法未行也保甲實行自無盜賊猶有盜賊是保甲之法未行也二者不行卽有便捷之才清修之節簿書詞訟催科之能不免爲俗吏何者謂其所急者末而教養之政不修也寓教養於鄉約保甲之中則詞訟自息差糧自完簿書不期省而自省矣但勸善懲惡法本相因而鄉約保甲原非兩事本院捧讀高皇帝實政錄

卷五 鄉甲約

二

教民榜文及近日應行事例謂鄉約之所約者此民保甲之所保者亦此民但約主勸善以化導爲先保主懲惡以究詰爲重議將鄉約保甲總一條編除寄住流民各聽房主地主約束畱者查其來歷出入者問其緣由但有強盜竊盜生發卽將房主地主並治外其餘本縣及寄莊人民在城在鎮以百家爲率孤莊村落以一里爲率各立約正一人約副一人選公道正直者充之以統一約之人約講一人約史一人選善書能勸者充之以辦一約之事十家內選九家所推者一人爲甲長每一家又以前後左右

所居者爲四隣一人有過四隣勸化不從則告於甲長轉告於約正書之紀惡簿一人有善四隣查訪的實則告於甲長轉告於約正書之紀善簿其輕事小事許本約和處以息訟端大善大惡仍季終聞官以憑獎戒如惡有顯跡四隣知而不報者甲長舉之罪坐四隣四隣舉之而甲長不報者罪坐甲長甲長舉之而約正副不書掌印官別有見聞者罪坐約正副如此嚴行則一人罪犯九十九家之責也九十九家耳目一人善惡之鏡也平居無事則互相丁寧一有過惡則彼此詰責白蓮妖術奸宄兇民何所容實政錄

卷五 鄉甲約

三

其身出境爲賊在家窩盜何所遁其迹地方安得不輯寧百姓安得不寘過刑清政簡之效可以漸臻知禮畏義之風可以日長此目前第一急務也爲此將已試者與二三有司一講求之儻以怠忽之心應督責之命選擇不得其人激勸不由其道則期會祇增煩擾約束反濟奸雄非法之無良實爾有可惰慢之罪也本院覩然撫臨於上豈能昧是非之公以相曲庇哉

鄉甲至要

鄉約原爲勸民保甲原爲安民行之而善則民樂於行行

之擾民不惟無益而又害之如約長保長不許用無身家棍徒使挾倚外需索一不擾約保不許出一里之外人不許拘數惟令一處住居者行之則近便易行二不擾不許令鄉保長等打卯接官及派應夫役三不擾掌印官自己抽查不許委佐貳首領及快壯查點巡邏四不擾鄉甲中
有事係賊盜人命方許呈報如門毆小事等項聽民自便不許呈報五不擾去此五擾而後良法不失美意民自樂行矣此最喫緊故首列之行者幸留意焉

鄉甲會規

實政錄

卷五

鄉甲約

四

凡一約之人或寺廟或公館或大家廳房可容百人處所上面立聖諭木牌一面傍設約正約副約講約史四坐將約眾分左右二班如所在寬敞作板凳數條約眾論齒序坐亦可每月初二十六日一竿時候取齊擊鼓三聲約中擇少年讀書者四人爲約贊唱排班班齊鞠躬拜興拜興拜興拜興拜興三叩頭平身分班對揖平身唱正副講約史就坐唱甲長出班言事十甲長出向牌跪舉曰本甲某人某日行某善某人見證舉畢分立於班前爲善與證人出向牌跪約正副問明約史卽照口詞記於善簿畢爲善者

叩四頭起十甲長復出北向跪舉曰本甲某人某日爲某惡事某人見證舉畢分立於班前爲惡與證人出向牌跪約正副問明約史卽照口詞記於惡簿爲惡者叩四頭起約正副先將本甲善惡事勸戒一番約史講又將本甲善惡事勸戒一番畢約講講勸善一條講律演一條畢畫左右二扇卯簿畢其有事不到者甲中代之給假卯簿寫一假字但不許連給三假至日應舉善惡者亦不許給假畢總揖聖諭而退仍將格葉未完事件丁寧申戒下會定完如約正副講史一人有事不到三人代之行事

實政錄

卷五

鄉甲約

五

鄉甲事宜

一每百家選約正一人約副一人俱以正直公道能管束處斷者爲之約史一人約講一人俱以正直識字能勸善戒惡者爲之如百家之內無此四人二百家有此八人遙相管束亦可或八人總管二百家亦可或不足二百家或二百家有零者在州縣正官各隨地方街巷村落遠近編派難以拘泥但不許越管遙制不便挨查其同居父子兄弟只報一名在約分居者人人在約如有樂善之人父子兄弟情願俱入鄉約者聽從其便

一選約正約副約講約史須百家箇箇情願者選甲長須九家箇箇推服及常不出外者如扶同濫舉非人許不願者舉出但全人難得或舊過而改新或善多而過少或口毒而心善者情願從今學好不妨准收甲長不服人許九家同稟於約正副如果不稱九家另舉一人更之不許輪流攀當約正副不服人許九十八家同稟於官如果不稱眾人另舉一人更之不許一人私告中間如有以曲爲直將善作惡向親識受買囑報私讐欺貧賤大傷公論者亦許同約公報到官小者本約除名紀

實政錄

卷五

鄉甲約

六

惡於申明亭大者比眾加倍究處如無大過及三五人私怨者不許輕更約正副致有投充推諉以生奸弊

一州縣正官先將各約爲善爲惡之人密細訪察要見某約某人某日爲某善事某約某人某日爲某惡事卻將各約善惡兩簿及作善作惡之人拘查或隨便親到本約呼喚審問如果善惡是真而本約不曾書寫者除當面獎戒外約正副講史各重責紀過甲長四隣隱匿不報者與作惡之人一體重究

一旌善申明二亭國初設老人二名以佐州縣之政但老

人名色近皆歸於里甲催科及僕隸頂當朝捶暮楚人皆恥爲今選槩州縣殷實有德二人另名公正總理城中鄉約四鄉再選公正八人分理各鄉鄉約各約正副講史不公不法聽其糾舉應更換者聽其保舉各給帖文印子以便行事先給與耆老衣冠如果正直無私督約有功者三年給與冠帶

一約正副舉行鄉約一年之外許戴耆老幅巾青直身博帶見州縣行兩跪一揖禮州縣起立答揖見本院亦許兩跪一揖本院起立拱手本一平民一旦如此優待爲

實政錄

卷五

鄉甲約

七

約正副者可不勉勵奮發勸善懲惡表正風俗以仰體上官之心乎

一約中一年無人違犯條款格葉者約正旌善亭紀善一次二年無犯者約副亦於旌善亭紀善一次三年無犯者約正副二人先以花紅卮酒賞送於公堂約講史各紀善於旌善亭一次六年無過者約正副講史各送扁一面本約九年不違犯條款格葉者同約保舉約正給與冠帶約副免本身差役仍與約講史俱給約正衣冠以禮相待十二年約中不違犯條款格葉者約正副各

送牌扁書本院姓名待年至七十仍從各約通舉准入鄉飲酒席其約正年近七十不能待九年者掌印官每年考其勤惰公私等第但肯實心任事三者各約第一者三年亦准冠帶

一約正副講史止爲管教一約之人不許接送官員及州縣一切差委接遞聽事朔望升堂及不干本約事情無故騷擾拘喚無罪輕加凌辱以傷優禮良民之體違者掌印官卽係昏庸不肖壞亂鄉約雖有他長亦行戒飭

一約正副講史除正項親朋禮節往來外如有處分本約

實政錄

卷五

鄉甲約

八

事情因而受人隻雞杯酒斗囊錢者卽係不立行止無恥之人被本約許出枷號遊迎仍紀惡申明亭鄉邦不與爲禮

一除縉紳舉監生員不須編入鄉約外其致仕閒住州縣佐貳首領及省祭散官衣巾生員但有德望眾推爲約正副者州縣官以見任鄉官在學生員禮貌一體優待與各約正副另班行禮

一鄉約呈報善惡及條陳利害者不分是何衙門俱用連七粗紙手本封袋縫上寫某州縣某字約約正副某人

某人封若係槩約公報則寫某州縣某字約約正某人等同封不許用細紙以生科派之端

一 大奸大惡久慣行兇報惡紀惡動輒與人爲讎者許同約百家連名指實用手本封固差約中一人密稟州縣掌印正官差的當兵快當時鎖拏扭解本院

一 鄉約之中不怕豪強棍惡只怕浮薄少年此等浮薄之子或係大家貴族倚託門第錢財將欲不編人約此人置之何地將欲編之約內彼傲氣雄心輕口薄舌無恂恂鄉黨之謙懷卑卑貧賤之意甲中不敢舉過約中不

實政錄

卷五

鄉甲約

九

敢紀惡或造言捏事或構怨生讎其明理父兄當思共守聖諭科條替伊教誨子弟不護短不尤人不明理者或到約中發怒令長少難堪或向州縣遞呈託守令處置彼庸懦有司那分阜白約中一夥平民何苦與人鬥氣從此而一約壞矣一約壞而各約皆壞矣以後約中少年務要低心下氣一遵條款榕葉不許分毫傲慢掌印官時時另行體察但有擾混一約不成者另申本院施行如有徇私誣善以傷眾心者訪知以罷輟論

約中除樂戶家奴及傭工佃戶各屬房主地主挨查管

束不許收入鄉甲外其餘不分匠作裁縫廚役皂隸快
手門禁馬夫但係本縣老戶人家或客商經年久住情
願入約者俱許編入鄉甲以鄉黨輩數齒序不許作踐
各州縣做豎牌十面長二尺寬八寸凡不養父母時常
忤逆者牌書不孝某人骨肉無恩尊長無禮夫妻無情
父子生分牌書不義某人偷雞摸狗拔樹指穀係本縣
老戶人民者牌書做賊某人賭博開場等眾牌書賭博
某人遊手幫閒牌書无棍某人生事毆人牌書兇徒某
人詭隱地糧教唆詞訟陰險害人貪婪利己牌書奸民
某人口無實言行無實事搬弄是非妄傳誣告牌書詐
僞某人誑騙財物勾引婦人及一切幹事不顧行止體
面人所共惡者牌書無恥某人淫蕩破家牌書敗子某
人各用大字釘於本犯門左每會跪約聽講街民不與
往來兩院訪拏卽將此人舉報待十分悔悟本約連名
出連坐甘結保其省改者方許去其門牌

一鄉約有犯除徒流以上自有應得罪名外其餘紀惡呈
報訪知等事不係告發者只是朴責重者枷號不許問

罪

一各約紀善紀惡紀和紀改四簿有司終日查考假如一百二十約每日昭儀約號次序初一日某字號等四約講史送簿來看掌印官細查善有可賞者批獎三二句惡有當懲者批戒三二句其和處不當者卽與更正罪惡大而和不足以盡法貧者拘來責治不貧者罰穀多不過五石少不下一石註於簿上責令甲長催完下次查簿卽於罰穀項下註某月日納訖其穀卽貯本會殷實之家以備本約社師束修及孤老殘疾賑濟或本約不得已公用俱約正呈知掌印官方准動支不許有司

實政錄

卷五 鄉甲約

十一

將穀入倉違者以科罰坐罪其批查約簿俱以紅筆大約每日查數本一月查一週其大善大惡登記州縣善惡和改簿上以備申呈上司大加獎賞拏問施行

一凡講約之日遇大雨雪改於次日不向甲長給假而不到者紀過一次無假三次不到約者稟官

一麥忙放通假兩會秋忙放通假兩會其閒或疾病或家中疾病或公事或忙事或遠行給單假者俱許准理其疾病及遠行之人過三假後再給不許每會點卯不到罰穀致誤窮漢生理違者罪坐正副講史

一每約百家選保正一人百五十家量加選保正副各一人鄉甲之內屬本縣者聽其挨查出入鄉甲之外屬房主地主者聽其訪問但有爲盜窩盜聽其舉報到官但有失盜聽其率領各甲救護其甲中人等除六十歲以上十八歲以下免其救護外其餘壯丁十月後收秋已畢三月前農工未動各家所備鎗刀弓箭短棍繩鞭等器一百家或二百家內共覓教士一人令其習學武藝一年覓一人習一藝不及五年而各藝皆熟矣又以本甲教本甲不及五年而各人皆熟矣一甲共置鑼一面

實政錄

卷五

鄉甲約

十一

保正副各置銃三杆遇有盜賊打劫甲中鳴鑼保中放銃一擁救護但於盜所生獲或扎死強賊一名者州縣官花紅鼓樂迎至公堂銀杯遞酒三杯當時賞銀十兩仍給帖一張免其本身差役如果賊見救護人多要殺失主解圍失主見賊要殺罵人不許救護保甲人等一味上前捉賊不許因而解散蓋盜賊殺人與救護者無干盜賊走脫則救護者何用况賊見失主罵人而救護者不散彼何讎於失主而殺之哉

一保正副須選家道殷實力量強壯行止服人者爲之如

有優占卽令其子男弟姪爲之不許掌印官聽囑徇情
巡捕官受賄賣放却爲無德貧棍頂充蓋盜賊打劫不
尋窮漢而棍徒保正豈能率人借保甲之法率百人之
眾代富勢者看守家財何負於彼而推託以圖苟免哉
是法也有司必不遵行但遇地方失事賊盜脫逃者掌
印巡捕官卽註劣考

一鄉甲之約良民分理於下有司總理於上提綱挈領政
教易行日考月稽奸弊自革若掌印官視爲虛文如醉
如夢則約正副以爲奇貨通賄通情是良法反爲弊政
實政錄

卷五 鄉甲約

十三

鄉約保甲果弊政乎何不將周官法度一讀也故得千
良民不如得一賢守令嗚呼吾輩讀聖賢書受民社寄
終日抗塵走俗身教旣不倡先言教又不修舉上負朝
廷下慚士庶子夜深思寧不汗背本院自媿庸劣願與
諸君子共勉之

鄉甲會圖

凡處斷本約事情將和事牌移置聖諭前約正副先在牌
前焚香誓曰處事不公身家被禍叩四頭起干證同有事
人向牌前誓曰舉事不公身家被禍從公實說訖叩四頭

一子 孫

教訓

一 地 頃 畝 分 差 糧 限 完 限 完 限 完 限 完

一 生 理 勤 惰 用 度 儉 奢

一 救 命 會 積 錢 千 百 十 文 量 貧 富 為 多 寡

一 積 菜 百 十 斤 積 糞 十 車

一 養 牛 隻 驢 頭 猪 口 羊 隻 雞 十 隻

一 栽 桑 百 十 株 棗 百 十 株 榆 百 十

株 柳 百 十 株 雜 果 百 十 株 雜 樹 百

十 株

實政錄

卷五 鄉甲約

五

一 取 繭 絲 十 斤 兩 紡 花 十 斤 兩

一 衣 食 足 身 無 破 絮 家 無 糟 穢

一 荒 閒 地 土 畝 分 種 菜 畝 分

一 賭 博 宿 娼 酗酒 詐 財

一 聚 眾 行 兇 白 蓮 隨 會

一 容 留 姦 盜 生 人 行 使 大 秤 小 斗

一 被 人 告 次 刁 告 人 次 唆 證 人 次

填格葉法

第一格填某縣某字約第幾甲係約正副講史則填約正

約副約講約史係甲長則填甲長係甲眾則填甲眾某人係軍民匠竈籍或上上或中中或下下戶

第二格父在母不在母下填一不字母在父不在父下填一不字俱在父母下填一俱字俱不在父母下寫一不字

第四格填子某人某人孫某人某人

第五格填地幾頃幾十幾畝一限完填一字二限完填二字三四限俱同

第六格填莊農生理或賣酒生理或傭工生理各照生理

實政錄

卷五

鄉甲約

去

填寫

以上俱於領格葉之日約講史審明填寫其錢糧四限完一限填一限

一十二月十六日約正率十甲長焚香誓神曰凡我會人審填格葉遵行者不許誣枉違犯者不許回護如有不公不實神鬼鑒察身家被禍叩四頭起約正先喚第一甲長到聖諭前填第二格約史問某人事奉父母衣食有無缺少如缺則於衣食下填一常字不缺一不字祭掃缺填一常字不缺填一不字

第三格尊敬長上填一常字不尊敬填一不字鄉里和睦填一常字不和睦填一不字放債違禁填一常字不違禁填一不字

第四格子孫教訓填一常字不教訓填一不字

第六格或常勤不惰或常惰不勤或好奢不儉或好儉不奢各照格填

第七格填錢數各照多寡實書

第八格填積菜積糞數

第九格填牛驢猪羊雞隻數

實政錄

卷五

鄉甲約

七

第十格十一格填栽樹數

第十二格填絲綿數俱分毫不許增減

第十三格衣食四項填不缺衣食者填亦足次貧填畧足貧填不足身無之上填未至二字極貧填不足身無之上填見今二字

第十四格荒地種菜照數填

第十五十六十七格犯者填時常字不犯者填不敢字

第十八格被告三款照次數填填畢至十二月二十日以後約正將格葉冊單釘送掌印官處查遵違全遵無違

者紀大善一次全違無遵者紀大惡一次仍行責治半
違半遵者量輕重酌處仍將舊格葉收庫照數發新格
葉於各約其格葉一年一發鄉約三年一發紙張工墨
之費許於正項公用錢糧開銷若正副講史甲長填格
葉不公不實者訪出各重責枷號其約史甲長格葉四
隣報填正副講格葉十甲長報填俱不許扶同妄報一
字

編鄉甲字號

孝弟忠信禮義廉恥正直公平權愛忻喜忍耐讓恭溫和
實政錄

卷五

鄉甲約

六

柔美畏天守法懷德循理知止存心省身克己智仁宣哲
睦婣任恤富貴康寧昌盛豐足進修講習敬謹純篤操持
有常千禎百祿勸君學好希聖爲賢端方清靜實行真言
淑慎莊潔福壽延綿吉祥如意飽煖安然

續編鄉甲字號

人鍾五秀靈於萬物慧悟聰明剛毅樸訥六府三事水火

金木復性

原是正德二字

利用厚生土穀陰陽寒暑日月星辰昭

晰宇宙鑒視嚴森春冰惕勵戒懼臨深一鄉善士鸞鳳麒
麟官賞民頌此感彼欽凡茲黎庶細聽吾說望汝遵依致

我樂悅恩則雨露威是霜雪路只兩條從爾審擇

右一約分占一字如約多而字號少者再領

和處事情以息爭訟

爲和處事情以息爭訟事人生天地閒誰沒箇良心各人
拏出良心來少人的就還人惱著人就陪話自家得罪於
人自家就認不是這等有甚麼爭競只爲那奸狡的利己
損人強梁的欺大壓小昧心的枉口刁舌或自知理虧
遞攔頭假狀或買求硬證專告無影虛詞到那衙門時
書早隸使了多少錢抄板鎖枷受了多少氣有年沒月

實政錄

卷五

鄉甲約

九

了多少營生往來酒飯使了多少盤纏父母妻子耽了多
少憂愁一入衙門身體不屬自家田宅不能自保俗語云
原告被告四六使鈔又云官府不明沒理的也贏你自
思告狀那有一件好處且如鄉隣有事你知我見哄瞞
了誰如有不平到那鄉約中口稟一番約正副差本甲
喚來一問如係兩約請兩處約正在一處同問誰是誰
眼同證見一一問明差那證見押著那理屈的替那理
的些些禮物上門陪話約史仍將所問事情來歷始末
一記於和簿如事情稍重及不服處斷者不問告何衙門

約正副分別是非補呈子一張遞於問官以憑從公究處
仍將理屈者紀惡如本約處分不公約正副坐罪如處分
極公而誣枉約正副者分外加責這等和處既不失鄉親
體面又省了多少錢財免了多少凌辱何等便宜各約百
姓切記吾言須至和簿者

計開應和條件

一婚姻不明審問原媒某女定與某男受何定禮量其貧
富除富貴人家外其餘下三則人家多不過十兩少不
過三兩主令成婚若嫌貧棄婿將女別嫁者本約審明
實政錄

卷五

鄉甲約

三

待告狀之日一同呈報

一地上不明查審文契中人應退回者退回應找子粒者
找子粒應補差糧者補差糧筭明主令改正若係欺隱
詭寄不肯首正者待告狀之日本約一同呈報

一罵詈鬥毆主令理屈之人置辦禮物與理直者陪話若
有傷者審明記日待告狀之日一同呈報

一牲畜食踐田禾照畝賠償如打死人牲畜者照價賠償
一放債三年以上本利交還不與者處追借人財不還及
毀壞者主令賠補

一錢到取贖房地力不能回者果係日久利多酌
兩便委曲處分無令貧人失業

一買賣貨物不公虧損人者主令改正不改者
一地界房界不明者查明改正

一走失收畱人口牲畜主令各還本主中間事情應處
者處分應呈報者呈報

一約中處和事情不係徇私受財誣直作曲冤枉良善者
有司不許將約正約副擅加凌辱

一除徒流以上罪名本約不得專斷外其笞杖事情掌
實政錄

卷五 鄉甲約

三

官將詞批與原告執付本約問明開具手本以憑處斷
願息者聽登和簿徑繳原詞有司不許加罪若將輕小
事情不批本約而徑批佐貳首領陰陽義民等官差早
快勾拘者掌印官另議

一本約之人在別州縣生事者聽各處官司斷理若在本
縣別約生事者聽別約斷理事完之日仍付本約紀惡
若本約偏聽與別州縣別約爲讎者掌印官問明將爲
讎之人盡法重處

一大小過失不分新舊但能自首改正者俱免究罪

一國初老人里長俱許笞杖斷決今恐是非連累只用口說和處儻有因成人命併不許干連本約違者有司另議

此卷後添餘葉五十張以載本約和處之事

紀善以重良民

爲紀善以重良民事天理在人心箇箇都有那一箇人平生沒一件好事那一日不說幾句好話所以朝廷設那旌善亭以記善民使爲善之人名姓褒揚不善之人知所羞媿近來教化不行百姓們就幹一好事官府不知就存

實政錄

卷五 鄉甲約

三

好心鄉黨不重將你學好的百姓都虧負了我今置一本紀善簿放在鄉約中凡我百姓不論貴賤貧富老少尊卑有一善事不論大小四隣報於甲長到那會日舉在鄉約裏面將那好事就記在紀善簿上天長日久好事漸多州縣官弔查真實類報本院或各道出巡弔查那鄉約善簿細細分別誰是大善誰是小善誰是真善誰是假善誰人善多誰人善少逐一等第明白以憑輕重禮待如被告到官會行大善者如何會行小善者如何無善者如何如虛濟蠲免會行大善者如何會行小善者如何無善者如

如鄉飲冠帶曾行大善者如何曾行小善者如何無善者
如何善大善多者便宜必多善小善少者便宜必少無善
可稱者只以常人相待約正約副約講約史人等務要垂
公持正上誓天地神明下服會學長幼記一善不許假借
徇私懷恨刁難如有善應紀而不紀本無善不當紀而
及不由四隣甲長舉報不同正副講史問明不寫善事實
跡者罪坐正副講史四人今將應紀善事大畧開列於後
仰鄉約遵照施行其爲善在條件之外者不妨指事直書
須至簿者

實政錄

卷五

鄉甲約

三

計開善行條件

一孝順父母者一事爲一大善

一尊敬長上者一事爲一善

一捨義學義塚捨飯捨衣捨藥捨方及報信指路者爲一

善多者爲一大善

一勸化十人改過者爲大善五六人爲中善二人爲小

善能化大惡者一人准作十人

一救人貧苦助人婚喪可值銀二三兩爲大善一兩以上

爲中善五錢以下爲小善

一人告狀勸回和解者一事爲一善

一能成就人好事者一事爲一善六者爲一大善

一能救人患難者一事爲一善救人一命者爲一大善

一修橋補路者一事爲一善修寺廟塑鬼神喫素念經朝

山設醮者此是諂神求福之人不許紀善

一家富而衣服車馬酒席不肯奢華只尙節儉者一事爲

一善

一能受辱忍事者一事爲一善

一拾人物不隱昧卽還原主者百錢卽紀一善多者紀一

實政錄

卷五

鄉甲約

五

大善

一牛馬驢騾死而能葬者及不食牛馬驢騾肉者一事爲

一善

一幹公道事不行奸巧者爲一善

一積穀積錢過數者爲一善

一一年能守格葉者爲一大善

一一年不犯條款者爲一善

一九族之親貧老無依能收食或給衣食全活終身者准

二大善

一同行替人勞苦同飯替人還錢同事而已無罪替人分過同勞而已獨善不肯專功小事紀一小善大事紀一大善

一百姓有大善人所共知眾所推服者許約中連名不賾揭報掌印正官申詳本院以憑優獎其尤關係風化倫理者仍送牌扁鼓樂花紅以示旌異

一凡小善五次中善三次俱准大善一次紀名於旌善亭上面大書姓名下面分紀實事凡犯公罪到官杖一百以下者應納贖免其納贖應的決免其的決牌上仍存姓名若犯私罪者免紀惡一次罪姑減半若再犯私罪者不准饒免善牌除名惡牌紀過

此卷後添餘葉五十張以載本約善人之事

紀惡以示懲戒

爲紀惡以示懲戒事朝廷設官滿天下不爲管善良之民那善良之民他納糧當差分毫不少兇心惡事一些不爲立身則行公道積陰騰見人則深唱喏高舉手天下要那許多官何用只爲你這不良之民兇惡的拏刀弄杖欺凌那善良強梁的倚勢恃財作踐那柔弱好巧的百計

實政錄

卷五 鄉甲約

五

啜哄那老實朝廷差糧詭隱延捱不肯上納他人財帛搶
騙爭奪沒些廉恥清平世界叫你這夥人混的不得安生
所以朝廷無奈做一部大明律置五等苦刑罰設天下大
小官員只爲鈐束你這夥歪人替那公正善良的百姓作
主隨你是何等英雄好漢朝廷法度還比你勢要你就走
在海角天涯也拏得你來就將你殺了剛了你往那裏去
但念你這愚人生下來時遇著不省事的父母少調失教
長大了時和那不學好的親朋亂道胡行日日年年把這
箇身子十分壞了自家也不知道自家是甚麼一箇人全
實政錄

卷五

鄉甲約

五

不覺自家分毫不是那善良的見你如臭屎一般那忍事
的見你如毒蛇一般誰好說你誰敢勸你你就不犯刑罰
也做了箇沒行止的小人叫人做了些罵名你犯了刑罰
時就是箇沒主兒的身子任官府夾打牢獄與你做父母
的也是苦命招了多少羞恥與你做妻兒的也是苦命耽
了多少憂愁到此地位悔之何及我今把你百姓的小過
且不說只將犯條款的大過惡二十二件就放在紀惡簿
上你舊日未發過惡我都不題自入鄉約之後犯一件過
惡就記在這簿子上州縣官雙月一查小過失勸化肯改

的便罷中過失與三犯不改的發州縣官處置大過矣定
然解來我自有法度將你做箇惡人的樣子若要救你性
命除是約正約副領著槩會中人保你我纔饒你我定不
失言你們千萬記著須至簿者

計開惡行條件

一子婦衝撞父母及自吃酒肉父母粗茶淡飯自穿絹帛
父母破衣爛裳自騎鞍馬父母步行自享安閒父母勞
苦及一切不服管束氣惱爺娘親死三年不葬服內宿
娼作樂者是爲不孝之子四隣甲長報知約正副紀惡

實政錄

卷五

鄉甲約

七

開揭送官情重者扭解本院

一卑幼侮慢尊長兄弟互結冤讎隣里以小事相爭親戚
以微嫌起怨甲長報知約正副卽與扶禮仍處分明白
登記和簿其卑幼兩犯尊長者約正副開揭報官以憑
究處

一丈夫寵妾凌妻正妻欺夫虐妾繼母折磨前子婦翁嫌
婿改婚伯叔兄弟欺凌寡婦孤兒逼嫁奪產公婆因賠
送供給凌虐兒婦小姑小叔陷害哥嫂嫡長兄騙占卑
幼家財買使義女賣與人爲妾以上數事俱係惡俗許

四隣甲長約正副苦勸不改者開具揭帖公同稟官以憑重處

一白蓮教無爲教南陽教明尊教白雲宗百家成羣千人爲號持齋念佛暗結私通夜聚曉散或妄言天文或僭稱官號斂騙錢財姦污婦女愚民被其欺瞞全不知其詐僞誠可哀憐四隣甲長稟知約正副止將傳頭教主開寫實跡綁縛送官或本教中人有能拏獲真正傳頭教主送官者俱賞銀五十兩其餘吃素念佛男婦限本約勸化三箇月仍舊聚會邪說不改者約正副體訪真

實政錄

卷五

鄉甲約

三

實報知州縣依律以妖言惑眾定問死罪仍押鎖家屬待拏獲傳頭教主之日然後釋放其四隣甲長明知不舉者卽係同夥妖民一例盡法重究至於術士邪人迴避鎮壓及驢馱神像頭頂佛經化緣修造者約中不許容雷施捨違者約正副紀惡呈報

一三五成羣然香飲血帶刀持棍一家有怨則同去報讎上門亂行採打見人財帛則設法搶奪到官捏證扛幫或挾騙娼婦財物盜搶成熟田禾百端爲害一方不寧者約正約副率領同會之人詳開惡事遞送掌印正官

扭解本院

一 暴橫兇徒拏磚握石擦掌摩拳氣高聲粗無故開口罵人動說打死對命或強買貨物或硬主事情或撒潑圖賴錢財鄉約有此等人不分初犯再犯事大事小約正副連名同會之人詳開惡事遞送掌印正官盡法施行一刻薄賊名或爭酒食起恨或因借貸懷離腳踏茂盛田苗拔打未成瓜菓或夜燒房屋柴薪或毀傷牲畜器物或採打小兒或唆詞作證此等之人最可氣恨但有拏獲者除將本犯盡法重治外仍將拏獲之人照捕盜例

實政錄

卷五

鄉甲約

无

一體給賞

一 淫邪棍徒啜姦良家婦女騙買爲妾因而販賣爲婢爲娼或包姦娼婦敗亂家風因而當賣衣服首飾致令妻室投井自縊者四隣報於甲長約正副許不時指實送官著實重治情重者仍解本院

一 甲中除開酒飯店家宿下過客暫時經行外其餘往來親友人所共知若遇面生可疑之人不係本鄉本里四隣甲長查其何處人民騎坐何畜帶何行李因何相交來此何幹或係白蓮道友或係窩訪通家或係賭博相

識或係盜賊合夥務要十分盤問如蹤跡可疑即便密細報官本甲之人但有出外經宿者白知四隣甲長有何事故到於某處帶何物件回來仍告隣家查其有無添帶物件如財物似賊者即便奪送甲長稟於本約送官施行如覺察不嚴及無故而搜詐者四隣甲長一體重究

一賃房買賣客戶莊村農作流民房地主務尋的當保人熟知來歷方許容畱仍將本院住人共若干家立一莊頭遵照鄉約法互相覺舉家主或一月半月訪問院實政錄

卷五 鄉甲約

三

人所幹何事所交何人如不予細覺察致令出外作賊或窩藏外盜者房地主不問曾否知情不分是何人家俱以窩主律分別治罪

一賭博開場之家幫閒綽攬之徒或啜賺幼年破家或勾引癡愚迷性彼因乘機陽向陰傾騙財幫食四隣甲長奪其牌骰頭錢及攤場財物查其起滅情弊報知約正副當時送官除將在場財物給與外仍於犯人名下追穀三石充賞

一造言生事弄巧行奸好講閨門是非慣貼匿名謠語破

毀人家好事離間人家骨肉這等壞心奸民四隣甲長報知約正副小者初犯紀惡改正大者及再犯者開揭送官盡法重處

一雞鳴猫狗過牆牛馬猪羊入院當時趕送出門或知是四隣之物次日送還如收藏三日本主尋而不與者卽係盜賊本約紀惡一次仍報知州縣懲治再不改者以竊盜論其兵快應捕人役誣執平人做賊緹縛苦拷詐騙財物公差下鄉打詐需索者輕則本約紀惡重則指事連名報官若畏懼不報者約正副甲長一體重治

實政錄

卷五

鄉甲約

三

一士農工商每日各有生理如有遊食光棍短衣長裙高帕細網酒朋茶友趁會遊街或捕鳥鬥雞或圍棋雙陸安閒自在百沒生活一月以上者紀過一次再月不改者甲長約正副報於州縣拘令照月應當轎扛等夫以罰其惰

一醉酒無德打街罵巷怒子毆妻及子弟生事父兄不說婦人罵街男子不管者四隣甲長舉報約正副紀惡以憑查處再次不改者報官懲治

一放債只許一年三分起利過三年者本利倍還不還者

法當告理若一年加倍起利及雖過三年而折准田宅
人口強拏欠主採打苦拷者以勢豪論本約同名稟官
究治重者申解本院

一物價有千般斗秤無兩樣以後民間秤只用十六兩斗
尺照官定法式物貴物賤只在價上消長不許使假瞞
人以後敢有私用大小斗秤尺者甲中舉出重究有能
奪來稟官者准於犯人名下追銀三兩給賞

一縱放生畜作踐他人田禾強砍兩隣樹木侵賴地界房
界詭寄地土脫漏丁糧或稅寫假契或洗改文冊或造
實政錄
卷五 鄉甲約
三
私錢假銀或信邪人燒煉一切昧已瞞心說謊負約約
中有此等人不分初犯再犯俱要紀惡仍指實報官依
法重處

一騙賴財物不還花費官物不補正項錢糧不納負累里
長包賠者約中紀惡勸戒再不改者報官

一戲子小唱水戶及不做生活少壯流氓及遊食僧道乞
食棍徒不分何等人家俱不許容畱如違將四隣甲長
約正副一體重究

一窩訪奸民與各衙門積快爲通家以報怨詐財爲得計

大奸巨惡投託得以藏身富戶良民無故忽然被誣約
中但有此人豈能欺瞞隣佑許四隣甲長報於約正副
密開實跡揭報掌印官嚴拏扭解本院如不肯舉保者
一體治罪

一律分良賤所以重鄉隣之體也以後富勢家奴凌踐貧
窮老戶爭坐爭行平打平罵者許約中連名稟官重責
枷號仍將家主紀惡

一善惡不分大小凡犯條款事中者俱要實紀公紀一人
小惡不紀再一人犯中惡者就要比例中惡不紀再有
實政錄

卷五 鄉甲約

三

一人犯大惡者就要比例到底紀惡不成不消三箇月
大家攀扯起來正副講史何辭以對但查簿之時掌印
官酌量大小自有處分耳

此卷後添餘葉五十張以載本約惡人之事

許改過以宥愚民

爲許改過以宥愚民事人非堯舜誰能無過不怕有過只
怕不改過君子立心學好一時性氣不平思想不到纔有
差失自己羞慚痛加悔恨小人立心原不公道幹事只占
便宜氣高膽大不顧死生性很心奸不遵理法若一一與

他計較身也沒處安插但念此等之人眼不見詩書耳不聞義理心不知古道口不講王法今日纔入鄉約纔學好人舊日歪心怎能就變爲此立改過簿一扇凡犯大惡豎釘門牌紀惡申明亭限一年不犯闔約保改除去豎牌中惡及三犯小惡者限半年小惡限三箇月約正副講史及本甲保改者俱登改過簿上舊日罪名雖惡簿不除後來通不計較待善簿有名之日仍以善人相待凡我百姓各務洗心滌慮但不殺人放火強姦斷路其餘都許改過既登改過簿上有人將舊過苦官者州縣官不許准理有人

實政錄

卷五 鄉甲約

三

將舊過許條者約正副將許條之人紀惡一次仰各州縣及各約人等一體遵行須至簿者

計開許改條件

一一犯大過及三犯中過者上司訪察便該報名拏問如有保改狀到官登名改簿者免其訪察拏問

一一犯大過三犯中過五犯小過紀惡申明亭者約中跪會聽講會人不與相揖酒席不許人坐若登名改過簿

者照常以禮相待

一門釘豎牌者見官囚首不許戴帽一年限滿再有保改

者方許除牌

一門釘豎牌申明亭紀惡者原係充警人數每朔望升堂責令跪於公堂將申明亭過端高聲自念一遍叩四頭出門有保改狀到官者免念堂

一有過之人登名改簿以後能行大善眾所心服者將申明亭過端盡與洗去待三年以後真成善人有指實者取公正約正副甲長隣佑保結州縣大書徙義二字扁其門端以示旌獎

一善簿紀善後雖犯惡善簿不泯其長惡簿紀惡後雖有

實政錄

卷五

鄉甲約

三

善惡簿不掩其短俱各存之惟是門左豎牌申明亭惡跡准除洗耳

一大惡登申明亭牌上者須有大善一次平對得過大善也不紀錄只將惡人牌上姓名事實准與洗去兩紀大惡及一惡可恨者門左釘豎牌示辱待闔約保改者姑准除去門牌其申明亭惡名不准除去

大惡限滿保狀式

只用甲長一人投遞

本縣某字約約正副講史某人本甲甲長某人甲眾某人為改過事本約某人某月日為某事紀大惡一

次至今限滿並無違犯情願改過如再犯者某某等甘心一例同罪須至保狀者

某年月日約正講史某某某甲長某甲眾某某某俱畫十字一張存房一張發約掌印官將本犯紀惡名下紅筆註四字云准入改簿

大惡除牌保狀式 只用正副講史四人投遞

本縣某字約約正副講史某人等十甲甲正某人等爲保全體面事本約某人委犯重罪豎釘門牌示警已經一年深自愧悔理合保領自新伏乞除去豎牌

實政錄

卷五 鄉甲約

美

准入改簿如再違條某等一例同罪須至保狀者

某年月日約正十約副十約史十十甲甲長十十甲甲眾十此狀一張發約一張存房掌印官批云准除去豎牌收名改簿

實政錄卷五畢

